

SACRA ROMANA ROTA

NULLITATIS MATRIMONII OB AVERSIONEM ET COACTIONEM,
NOCNON EXCLUSIONIS PROLIS

VOTUM DEFENSORIS VINULI

EXCELLENTISSIMI PATRES!

I.—FACTI SPECIES

1. In Urbe, mense septembri anni 1949 vertente, Johanna G., duodevigi-
ginti annos nata, obvium habuit Heraclius di M., unius ac viginti annorum
juvenem, qui in propinqua domo degebat.

Venustate enim puellae captus, in eam incidere et cum ea loqui juvenis
desiderabat, quapropter repetere illam coepit quovis se conferret, ut eidem
sensus animi sui aperiret. Quos nec respuit puella. Mutua amoris signa sibi
invicem dare coeperunt, sponte quidem, et insciis prorsus utriusque parentibus.

Frequentes occurus excitaverunt erga mulierem propensionem viri, qui,
haud obstante mulieris parentum contrarietate, cum ea amicitiam nexuit.
Cum autem dilectio inter ipsos pedetentim percrebuerit, in illicitos amores
perrexit. Mense septembri 1950, post annum a primo occurso, juvenes sexua-
lem incepterunt inter se habere relationem, ex qua puella praegnans evasis,
licet adhuc integra, et vir tantummodo, una quidem vice aestu passionis
obnubilatus, ad ostium vaginae inseminaverit.

Mulier, post actum impudicitiae incompletum, odium in juvenem stupra-
torem, ut contenditur, concepit; et dum matri patefecit regularum absen-
tiam, cum juvene tamen in gratiam redivit atque deinceps Doctores F. et C.
consuluerunt de puellae praegnantia. Responsionem affirmativam cum ha-
buerint, infamiae evitandae gratia, ad abortum procurandum, licet frustra,
medicales praestationes puella nec respuit.

In notitiam matris puellae, mense decembri exeunte, pertulit Doct. C.,
quae, re cognita, ut sui suaeque familiae honori consuleret, eidem matri-
monium imposuit atque puella tacite consensit. Et illa mater, cum cogno-
visset voluntatem juvenis injuriae per justas nuptias reparandae, parentibus
viri jam domi advenientibus diaetam offerre filiae non omisit inter alia.